

qui sibi sua iniquitate nocitari sunt, ad utilitatem nascantur aliorum. Neque enim quilibet innumerabilis multitudo impiorum indecora est mundo, aut inutilis Dei regno: cum etiam per ipsorum veniat propaginem regeneranda generatio, et in eis tolerandis ac diligendis populus Dei fiat illustrior; discernens¹ bonitatem et patientiam ab illo, qui pluit super justos et injustos, et solem suum oriri facit super bonos et malos (*Math. v. 45*).

XIV. Item, qui dicit quod qui evangelicae prædicationi non credunt, ex Dei prædestinatione non credant; et quod Deus ita definierit, ut quicumque non credunt, ex ipsius constitutione non credant; non est catholicus. Sicut enim fides, quæ per dilectionem operatur, Dei donum est; ita infidelitas con-

stitutio Dei non est. Quia Deus poenas criminum novit ordinare, non crimina; non consequens est ut quod non remiserit, ipse commiserit. Prædestinatus itaque vivit ex fide sibi donata: non prædestinatus perit infidelitate voluntaria, non coacta.

XV. Item, qui dicit quod idem sit præscientia quod prædestinationis, in bonis sine dubio operibus nostris duo ista permiscet. Quæ enim ex Dei monere habemus, et quæ præscita dicuntur, non possunt non esse prædestinata: et quæ prædestinata appellantur, non possunt non esse præscita. In malis autem operibus nostris sola præscientia Dei intelligenda est. Quia sicut præscivit et prædestinavit quæ ipse facit, et ut faceremus dedit; ita præscivit tantum, non etiam prædestinavit, quæ nec ipse fecit, nec ut faceremus exigit.

¹ Sic Remigianus Ms. Editi, ducens.

PROSPERI AQUITANI

PRO AUGUSTINI DOCTRINA

RESPONSIONES AD CAPITULA

OBJECTIONUM VINCENTIANARUM .

Tiber unus.

PRAEFATIO. Quidam christianiæ ac fraternæ charitatis oblitus, in tantum existimationem nostram quo modo student credere, ut suam se evertere nocendi cupiditate non videant. Contextunt enim, et qualibus possunt sententiis comprehendunt ineptissimarum quarundam blasphemiarum prodigiosa mendacia; eaque ostendenda ei ingerenda multis publice privatimque circumferunt; asserentes talia in nostro sensu esse, qualia diabolico continentur indiculo: que falso in nos ad extirpandam invidiam jactitari, facile et sufficienter subscriptione unius probareimus anathematis; nisi malignitas eorum, qui se gravari putant, si de nobis bene sentiatur, ipsam subscriptionis nostræ brevitatem suspectam esset habitu. Unde ne bujus querela inveniretur occasio, necessarium conveniensque credidimus, ut sive ad calumniantium animos mitigandos, sive ad eos quorum auribus tale aliquid insonuit instruendos, quantum adjuvante Domino fieri potuerit, plene dilucideque pandamus, quid de versis definitionibus judicemus. Propositis igitur singillatim sedecim capitulis, sub unoquoque eorum, sensus nostri et fidei quam contra Pelagianos ex apostolicæ Sedis auctoritate defendimus, verba poneamus: ut qui paululum se ad legendam haedignati fuerint occupare, evidenter agnoscant, impiarum profanarumque opinionum nullum cordibus nostris inhässisse vestigium; et blasphemias quas perspicerint nostra professione damnari, in earumdem repertoribus censeant debere puniri.

OBJECTIONE PRIMA. Quia Dominus noster Jesus Christus non pro omnium hominum salute et redemptione sit passus.

* Remigianus codex, ante annos plus minus octingentos scriptus, habuit a prima manu, *Vincentianum*; a secunda vero jam olim correctus, præfert (ut in fine libri absque correctione legitur) *Vincentianarum*. Lovanienses observant, esse qui arbitrantur, Objectionum scriptorem Vincantium Lerinensem illum fuisse, cuius existat adversus professoras haeresem novitates Commonitorum, scriptum circiter annum Christi quadragesimum trigesimum quartum, seu, ut ipse auctor in capite quadragesimo secundo testatur, post triennium ferme a celebrato contra Nestorium concilio Ephesino.

RESPONSO. Contra vulnus originalis peccati quo in Adam omnium hominum corrupta et mortificata natura est, et unde omnium concupiscentiarum morbus inolevit, verum et potens ac singulare remedium est mors Filii Dei Domini nostri Iesu Christi: qui liber a mortis debito, et solus absque peccato, pro peccatoribus et debitoribus mortis¹ est mortuus. Quod ergo ad magnitudinem et potentiam pretii, et quod ad unam pertinet causam generis humani, sanguis Christi redemptio est totius mundi. Sed qui hoc saeculum sine fide Christi et sine regenerationis Sacramento pertranscunt, redemptionis alieni sunt. Cum itaque propter unam omnium naturam, et unam omnium causam a Domino nostro in veritate suscepimus, recte omnes dicantur redempti, et tamen non omnes a captivitate sint eruti; redemptionis proprietas haud dubie penes illos est, de quibus princeps mundi missus est foras, et jam non vasa diaboli, sed membra sunt Christi. Cuius mors non ita impensa est humano generi, ut ad redemptionem ejus etiam qui regenerandi non erant pertinent: sed ita, ut quod per unicum exemplum gestum est pro universis, per singulare sacramentum celebraretur in singulis. Poculum quippe immortalitatis, quod confectum est de infirmitate nostra et virtute divina, habet quidem in se ut omnibus prospicit; sed si non bibitur, non medetur.

Obj. II. Quia Deus nolit omnes salvare, etiam si omnes salvari velint.

Rsp. Cum Veritas dicat, Si vos cum sis malis, nostis bona data dare filiis vestris, quanto magis Pater vester caelstis dabit bona petentibus se (*Math. vii. 11*)? qui fieri potest, ut Deus, qui etiam illos salvat, de quibus dici non potest quod salvari velint, nolit aliquos salvare, etiam si salvari velint; nisi aliqua causa existant, de quibus, quamvis sint nobis incognoscibilis, ille tamen bene judicat, de quo dici non potest, alterum eum quidquam scire debuisse, quam fecerit? Remota ergo hac discretione, quam divina scientia intra secretum justitiae sue continet, sincerissime credendum atque profundendum est. Deum velle ut omnes homines salvi liant. Signum Apostolus, cuius

¹ sic, mortis. addimus, ex Remig. Ms.

ista sententia est, sollicitissime præcipit, quod in omnibus Ecclesiis piissime custoditur, ut Deo pro omnibus boniñbus supplicetur (I Tim. ii, 4-4) : ex quibus quod multi pereunt, pereuntum est ineritum ; quod multi salvantur, salvantis est donum. Ut enim reus damnatur, inculpabilis Dei justitia est : ut autem reus justificetur, ineffabilis Dei gratia est.

Obj. III. Quia Deus majorem partem generis humani ad hoc crevit, ut illam perdat in æternum.

Resp. Omnis guidem boniñbus creator est Deus : sed nemo ab eo ideo creatus est, ut periret. Quia alia est causa nascendi, et alia est causa pereundi. Ut enim nascantur homines, Conditoris est beneficium : ut autem pereant, prævaricatoris est meritum. In Adam quippe, in quo omnium boniñbus preformata natura est, omnes peccaverunt ; eademque sententia, quam illa exceptit, obstricti sunt. Neque ab hoc vinculo, etiam si propriis peccatis careant, resolvuntur, nisi in Sacramento mortis et resurrectionis Christi per Spiritum sanctum renascantur. Nimis ergo impius et inductus est, qui vitium naturæ non discernit ab auctore nature : a quo prorsus alienum est, quidquid in unoquoque dannandum est. Creat enim homines, ut sint homines : nec multiplicandis generationum successionibus opifcium suum subtrahit, secundum consilium bonæ voluntatis sue reparaturus in multis quod ipse fecit, puniturus in multis quod ipse non fecit. Sic enim per inobedientiam unius homini pecatores constituti sunt multi ; ita et per unius hominis obedientiam justi constituantur multi (Rom. v, 12, 19).

Obj. IV. Quia major pars generis humani ad hoc crevit a Deo, ut non Dei, sed diaboli faciat voluntatem.

Resp. Insannum omnino et contra rationem est, dicere, voluntatem Dei ex Dei voluntate non fieri ; et damnatorem diaboli ejusque famulorum, velle ut diabolo serviantur. Sed hoc Catholicis Pelagiani consequenter se objicere existimat, qui Adæ peccatum transiisse in omnes diffiduntur : quoniam si primam nativitatem originalis culpa non obliget, non sint omnino diabolo parvuli ; nec indigeant erui de potestate tenebrarum, qui nunquam a suo auctore discesserint. Nos autem, qui omnes in Adam periisse profligemur (veni epim Filiis hominis querere et salvare quod perierat [Luc. xix, 10]), nec ideo dicimus creari quemquam hominem, ut diaboli faciat voluntatem ; et agnoscimus omnem hominem non redemptum, diaboli esse captivum. Prayaricatio enim hominum disposita a sensu creationis ordinem turbare non potuit, et merito creature peccatrix penalem dominationem illius patitur, cui, relicto vero Domino, sponte se vendidit. Hæc quippe servitus non institutio est Dei, sed iudicium ; quo frans deceptoris diaboli facta est deceptio et male credulo homini pena peccati. De qua nemus eritur, nisi per mediatorem Dei et hominum hominem Christum Jesum ; cuius gratuita gratia et multorum malis meritis non tribuitur, et nullorum bonis meritis prævenitur.

Obj. V. Quia peccatorum nostrorum auctor sit Deus, eo quod malam faciat voluntatem hominum plasmet substantiam quæ naturali motu nihil possit nisi peccare.

Resp. Hujus quoque objectionis vanitas de illa procedit schola, in qua natura humana immunis a peccato Adæ, et illæsa defenditur ; ut quia omnes homines prævaricationis reos et damnationi obnoxios nasci, periturosque nisi in Christo renascentur asserimus, cumdem videamus dicere auctorem eulpe, quem profligemus conditorem esse naturæ. Quod nos a sensu nostro penitus abdicamus, qui Deum justum et bonum sic humanae substantiae et interiorum exteriorum sensuum novum creatorem, ut prorsus ab illo sit quidquid pertinet ad naturam, et prorsus ab illo non sit quidquid contra naturam est. Peccatum autem contra naturam est, de quo mors et omnia quæ sunt mortis oriuntur. Quibus malis tunc se homini

inuit, quando illum sive obedientiaque privatum, in suas promissiones diabolus a Dei lege traduxit, omniaque sibi posteritas ejus germina, per conditionem depravate stirpis, obstrinxit. Unde si qua in Christo nova creatura est, libera sit a diabolo, et subjicitur Deo, reformata a deformitate sua ad imaginem ejus qui creavit eam. Quod nisi fiat, remanet in illo in quo omnes moriuntur, non habens sortem in eo in quo omnes vivificantur. Non igitur cuiusquam peccati auctor Deus, sed natura creator est. Quæcum protestatem habuerit non delinquendi, sponte deliquit, et deceptoris suo propria voluntate se subdidit. Nec naturali, sed captivo motu versatur in vitio, donec moriatur peccato et vivat Deo : quod sine gratia Dei facere non potest ; quia libertatem quam libertate perdidit, nisi Christo liberante non recipit. Non est enim aliud nomen sub celo datum hominibus, in quo oporteat salvos fieri (Act. iv, 12).

Obj. VI. Quia Deus tale in hominibus plasmet arbitrium, quale est dæmonum, quod proprio motu nihil aliud possit velle, nisi malum.

Resp. Totus quidem mundus, sicut ait Joannes apostolus, in maligno positus est (I Joan. v, 19) : et multorum hominum talis est malitia, qualis et dæmonum. Qualibet dicebat Dominus, Progenies viperarum, quomodo potest bona loqui, cum sitis mali (Matth. xii, 34) ? et, Vos de diabolo patre nati estis, et concupiscentias patris vestri facere vultis (Joh. viii, 44). Sed hoc inter malos homines distat et dæmones, quod hominibus etiam valde malis superest, si Deus misereatur, reconciliatio : dæmonibus autem nulla est in æternum servata conversio. Sic ut ergo prævaricatoribus angelis non Deus indidit illam, quæ in veritate non stetit, voluntate : ita nec hominibus hunc affectum, quo diabolus imitarentur, inservit. Mendax enim de proprio loquitur ; et liber a mendacio non erit, nisi eum veritas liberaverit (Ibid., 36).

Obj. VII. Quia haec sit voluntas Dei, ut magna pars Christianorum salva esse nec velit, nec possit.

Resp. Si de his hoc dicitur, qui pietatem christianæ conversationis et fidei deserentes, in profanos errores, aut in dannabiles mores irrevocabiliter transierunt ; non dubium est quod talen voluntatem habentes salvi esse nolunt ; et quamdiu salvi esse nolunt, salvi esse non possunt. Sed nullo modo credendum est, hujusmodi homines in hanc desperationem ex Dei voluntate recidisse ; cum potius allevet Dominus omnes qui corrunt, et erigat omnes elisos (Psal. cxlii, 44). Nemo enim nisi illius gratia erigitur, nemo nisi illius gratia stabilitur. Dei ergo voluntas est ut in bona voluntate maneat : qui et priusquam deseratur, neminem deserit ; et multos desertores sepe convertit.

Obj. VIII. Quia nolit Deus ut omnes Catholici in fide catholica perseverent, sed velit ut magna exinde pars apostaret.

Resp. Non est dissimilis blasphemie hujus impieetas, a præcedente sententia : quod ergo ad illam, hoc etiam ad istam, quæ in nullo est diversa, responsu sit.

Obj. IX. Quia velit Deus ut magna pars sanctorum a sanctitatis proposito ruat.

Resp. Nec hujus definitionis insania aliud sonat, quam gemina objectio prelocuta est. Unde mirandum est, objictem tertio repetuisse, quod semel dixisse sufficerat : sed, ut res est, numerum criminacionis augere voluit, quia sensum variare non potuit.

Obj. X. Quia adulteria et corruptio virginum sacrarum ideo contingent, quia illas Deus ad hoc prædestinavit ut caderent.

Resp. Detestanda et abominanda opinio, quæ Deum cujusquam male voluntatis aut male actionis credit, auctorem ; cuius prædestinatione nunquam extra bonitatem, nunquam extra justitiam est : universæ enim vice Domini misericordia et veritas (Psal. xxiv, 10).

Adulteria igitur maritatarum¹, et corruptelas virginium non instituere novit sancta divinitas, sed damnare; nec disponere, sed punire. Quae mala homines cum admittunt, suis concupiscentiis et cupiditatibus serviant, quas ab illa prima voluntarie prevaricationis labore traxerunt: cum autem declinant a malo, et faciunt bonum, a Domino gressus hominis diriguntur, et viam ejus volet (*Psal. xxxvi.*, 27, 23). Propter quod dicit Apostolus: *Oramus autem ad Deum, ut nihil mali faciat;* non ut nos probati appareamus, sed ut vos quod bonum est faciatis (*II Cor. xiii.*, 7). Non ergo casus ruentium, nec malignitatem iniquorum, neque cupiditates peccantium prædestinatio Dei aut excitavit, aut suscitavit, aut impulit: sed plane prædestinavit iudicium suum, quo unicuique retributurus est prout gesit, sive bonum, sive malum. Quod iudicium futurum omnino non esset, si homines Dei voluntate peccarent. Erit autem manifestissime: et omnis homo quem discretio divina scientia in sinistra constituerat parte, damnabitur; quia non Dei, sed suam ex ecclibus est voluntatem.

Obi. XI. Quia quando incestant patres filias, et matres filios, vel quando servi dominos occidunt, ideo stat, quia ita Deus prædestinavit, ut fieret.

Resp. Si diabolo obijiceretur, quod talium facinorum ipse auctor, ipse esset inventor, puto quod aliqua ratione exonerare se hac posset invidis, et talium scelerum patratores de ipsorum voluntate convinceret; quia etsi delectatus est furore peccantium, probaret tamen se non intulisse vim criminum. Quia ergo insipientia, quave dementia definitur, ad Dei referendum esse consilium, quod nec diabolo in totum adscribi potest, qui in peccantium flagitiis illecebrarum adjutor, non voluntatum credendum est esse generator? Nihil ergo talium negotiorum Deus prædestinavit ut fieret: nec illam animam nequiter turpiterque viciatur, ad hoc ut taliter viveret, præparavit; sed talem futuram non ignoravit, et de tali juste se iudicaturum esse præscivit. Atque ita ad prædestinationem ejus nihil aliud referri potest, nisi quod aut ad debitam iustitiam retributionem, aut ad indebitam pertinet gratiae largitatem.

Obi. XII. Quia Dei prædestinatione efficiantur de filiis Dei filii diaboli, et de templo sancti Spiritus templi demonum, et de membris Christi membra inereticis.

Resp. Prædestinationis Dei, etsi apud nos, dum in presentis vita periculis versamus, incerta est; apud illum tamen, qui fecit que futura sunt, incommutabilis permanet. Nec que illuminavit, obcaecat; nec quae sediscavit, destruit; nec quae plantavit, evellit. Sine poenitentia enim sunt dona et vocatio Dei (*Rom. xi.*, 29): et firmum fundamentum Dei stat, habens signaculum hoc: cognovit Dominus qui sunt ejus (*II Tim. ii.*, 19). Nullo igitur modo Dei prædestinationis facit ut aliqui ex filiis Dei filii sint diaboli, aut ex templo sancti Spiritus templo sint demonum, aut ex membris Christi sunt membra inereticis: sed potius prædestinationis facit ut ex filiis diaboli sunt filii Dei, et ex templo demonum templum sunt Spiritus sancti, et ex membris inereticis membra sunt Christi. Quia ipse aliquid fortis, et vasa ejus rapit (*Marc. iii.*, 27), eruens ea de potestate tenebrarum, et transferens de contumelia in gloriam (*Coloss. i.*, 13). Hi autem de quibus dicitur, *Ex nobis exierunt, sed non fuerunt ex nobis; si enim fuissent ex nobis, mansissent uique nobiscum* (*I Joan. ii.*, 19): voluntate exierunt, voluntate recederunt. Et quia presciti sunt casuri, non sunt prædestinati. Essent autem prædestinati, si essent reverenti, et in sanctitate ac veritate mansuri. Ac per hoc prædestinationis Dei, multis est causa standi, nemini est causa labendi.

Obi. XIII. Quia omnes illi fideles et sancti, qui ad aeternam mortem prædestinati sunt, quando ad uinum suum relabuntur, vitio quidem suo hoc facere

videntur; sed ipsius vitii causa est divina prædestinatio, qua illis latenter subtrahit bonas voluntates.

Resp. Idem blasphemiarum spiritus perseverat, et a præcedentibus mendaciis subsequens impietas non recedit: quam prorsus vera ratio reprobat, et incunctanter sana doctrina condemnat. Quia omnibus quidem a fide ad infidelitatem, a sanctitate ad turpitudinem relapsis, et ante finem vitæ nulla emendatione purgatis, nihil aliud quam mors æterna debetur: sed nefas est Deo adscribere causas talium ruinarum, qui etsi ex æterna scientia præcognitum habet quid uniuscujusque meritis retributurus sit, nemini tamen per hoc quod falli non potest, aut necessitatem, aut voluntatem intulit delinquendi. Si ergo a justitia et pietate quis deficit, suo in præcepta fertur arbitrio, sua concupiscentia trahitur, sua persuasione decipitur. Nihil ibi Pater, nihil Filius, nihil agit Spiritus sanctus; nec tali negotio quidquam deinceps voluntatis intervenit: cuius opere multos scimus ne haberentur, retentos; nullos autem, ut laberentur, impulso.

Obi. XIV. Quia magna pars illa Christianorum catholicorum, fidelium atque sanctorum, quæ ad ruinam et perditionem prædestinata est, etiam si petat a Deo sanctitatis perseverantiam, non impetrabit: eo quod inutari non potest divina prædestinationis, quæ illos præordinavit, præparavit, præaptavit ut caderent.

Resp. Ad prevaricationem legis, ad neglectum religionis, ad corruptelam disciplinæ, ad desertionem fidei, ad perpetrationem qualiscumque peccati, nulla omnino est prædestinationis Dei: nec fieri potest ut per quem a talibus malis surgitur, per eum in talia decidatur. Si ergo in sanctitate vivitur, si in virtute proficitur, si in bonis studiis permanetur; manifestum munus est Dei, sine quo nullius boni operis fructus acquiritur: si autem ab iis receditur, et ad vitia ac peccata transitur; nihil ibi Deus male tentationis immittit, et recessurum non deserit antequam deserat; et facit plerisque, ne deserat, aut etiam, si discessit, ut redeat. Cur autem illum retineat, illum non retineat: nec possibile est comprehendere, nec licet vestigare; cum scire sufficiat, et ab illo esse quod statuit, et non ab illo esse quod ruitur.

Obi. XV. Quia omnes illi fideles et sancti, qui ad aeternam mortem prædestinati sunt, posteaquam cederint, sic a Deo dispensentur, ne possint vel velint per poenitentiam liberari.

Resp. Non veraciter, nec sapienter hoc dicitur. Qui enim a fide et sanctitate exciderint, sicut voluntate prolapsi sunt, ita voluntate non surgunt, et dominatum concupiscentiarum, quibus succubuerunt, sponte patiuntur. Si qui autem captivitatem suam genuit, et judicantes se metipsos, ad misericordiam Dei mutato corde consurgunt, non sine spiritu divinae visitationis haec faciunt. Hoc enim mutatio dexteræ Excelsi ut resipiscant a diaboli laqueis, a quo captivi tenabantur ad ipsius voluntatem (*II Tim. ii.*, 26). Nemini autem Deus correctionis adimittat viam, nec quemquam boni possibiliter dispoliat. Quia qui se a Deo avertit, ipse etille quod bonum est, et posse sibi sustulit. Non est ergo consequens, sicut putant, qui talis objiciunt, ut Dens, quibus poenitentiam non dederit, resipiscerent abstulerit; et quos non levaret, alliserit: cum aliud sit insontem in crimine egisse, quod alienum est a Deo; aliud criminoso veniam non dedisse, quod de peccatoris est merito.

Obi. XVI. Quia magna pars illa fidelium atque sanctorum, quæ ad aeternam mortem prædestinata est, quando dicit Deo in oratione dominica, *Fiat voluntas tua* (*Matth. vi.*, 10); nihil aliud quam contra se petat, id est, ut cadant et ruant; quia voluntas Dei haec est, ut vetera morte pereant.

Resp. Non hoc Veritas dicit, quod haec sit voluntas Dei, ut fideles et sancti a fide atque innocentia ruant, et pereant in aeternum: sed Veritas dicit, *Hæc est voluntas ejus qui me misit Patris*, ut omne quod dedit mihi, non perdam ex eo quidquam, sed resuscitem illud

¹ Remigianus Ms., muritorum.

in novissimo die (Joan. vi, 39). Quod ergo Pater Filio dedit, Filius omnino non perdit. Idem enim dicit : *Onne quod dat mihi Pater, venit ad me, et non ejiciam foras (Ibid., 37).* Quod si per generalitatem vocationis, et per abundantiam bonitatis Dei, etiam non perseveraturi perseveraturi admixti sunt; hi cum a pietate deficiunt, non ex Dei opere, sed ex sua voluntate deficiunt; nec impolluntur ut cadant, nec ejiciuntur ut deserant: casuri tamen et recessuri, ab eo qui falli non potest, praeconiuntur. Quamdiu itaque in Oratione Dominica dicunt, *Fiat voluntas tua (Math. vi, 10);* non hoc contra se petunt, quod Deus nullo modo ulla ratione facturus est, id est, ut cadant et ruant: ipsorum enim hoc nequitia, ipsorum est consummatura libertas. Sed plane illud contra se petunt,

quod divine voluntatis esse non dubium est; ut sci-licet, cum venerit Filius hominis in maiestate sua, ei sederit super thronum glorie suæ, congregentur ante eum omnes gentes, et separat eos ab invicem, alios ad dexteram, alios statuens ad sinistram, et audiunt eum dextri dicentes, *Venite, benedicti Patri mei, possidete paratum vobis regnum a constitutione mundi: audiunt et sinistri, Discedite a me, maledicti, in ignem aeternum, quem paravit Pater meus diabolo et angelis eius (Math. xxv, 34, 41).* Igitur qui facturi non sunt voluntatem Dei, et petunt ut fiat voluntas Dei, in ea quod Dei voluntate faciendum est, audiuntur, ut imitatores diaboli cum diabolo judicentur. Qui enim voluntatem Dei spreverunt invitantem, voluntatem Dei sentient vindicantem.

PROSPERI AQUITANI

PRO AUGUSTINO

RESPONSIONES AD EXCERPTA

QUE DE GENUENSI CIVITATE SUNT MISSA.

Liber unus.



CAMILLO et THEODORO¹, venerabilibus presbyteris,
PROSPER.

In libris beatæ memorie Augustini episcopi, quorum titulus est, *De Prædestinatione Sanctorum*, quædam sanctitatem vestram vel insolita aut minus clara moverunt, quæ ad humilitatem meam de contextu disputationis excerpta misistis, ut quo intellectu, quo judicio ea acciperem, nosceretis, quasi plus in me, quam in vobis ad hanc intropisciendi esset ingenii; ac non magis in hoc examine vestre facilitatis debueritis exercere mensuram, et si aliqua vos morabatur obscuritas, recurrere ad Patrem luminum, a quo descendit omne datum optimum, et omne donum perfectum (*Jacobi i, 17*), et a quo datur Spiritus sapientiae et intellectus. Veruntamen præcepitis vestris obsequium meum non subtraham, et adjuvante Domino, qui sapientiam præstat parvulis (*Psal. xviii, 8*), de capitulo istis, quid cuin sanctis et cruditis fratribus sentiam, breviter indicabo; petens, ne ubi est simplicitas obedientie, præsumptionem puletis esse doctrinæ. De excerptis itaque hæc prima proposuistis, in quibus verba sunt sancti Augustini episcopi.

EXCERPTUM PRIMUM. « *Jacob dilexi, Esau odio habui* » (*Rom. ix, 13; Malach. i, 3*). *Ad hoc perduxisti ratiocinationem, ut dicerem: Non ergo elegit Deus opera cuiusquam quæ ipse daturus sit; sed fidem elegit in præscienti, ut quem sibi crediturum esse præsciret, ipsum elegerit, cuī sanctum Spiritum daret; ut bona operando etiam vitam æternam conquereretur. Nondum diligenter quæseriam, nec adhuc inveneram, qualis es- set electio gratiæ* (*De Prædest. Sanct., n. 7*).

Exc. II. *Ac deinde subjunxi: Quod ergo credimus, nostrum est; quod autem bona operamur, illius est, qui credentibus dat Spiritum sanctum; quod profecto non dicerem, si jam scirem etiam ipsam fidem inter Dei munera reperiri, quæ datur in eodem Spiritu. Utrumque nostrum est, propter arbitrium voluntatis, utrumque tamen datum est, propter spiritum fidei et charitatis* (*Ibid.*).

Exc. III. *Ac per hoc, quod etiam postea dixi, Quia neque velle possumus, nisi vocemur: et cum post vocationem voluerimus, non suffici voluntas nostra et cur-*

*sus noster, nisi Deus et vires credentibus præbeat, et ducat quo vocat; ac deinde subjunxi, Manifestum est ergo, non volentes, neque currentes, sed miserentis Dei esse (Rom. ix, 16) quod bene operamur: omnino verisimilium est. Sed parum de ipsa vocatione disservi, quæ fit secundum propositum Dei: non enim omnium qui vocantur talis est, sed tantum electorum (*De Prædest. Sanct., n. 7*).*

RESPONSO. In his tribus capitulis, licet divisa sint a disputationis corpore, et eo ipso obscuriora sint facta, quod et præcedentibus, et mediis, et subsequentiis non cohaerent, intelligo tamen quod unam atque eamdem causam scriptor exequitur, de eis loquens, qui dicebant eum primo conversionis sue tempore meliora sensisse, quando estimabat, quod fides qua christiani sumus, non esset ex gratia, nec ex dono habetur Dei, sed esset ex ipso homine, et ex arbitrii libertate; modo autem errare eum, qui assereret ipsam etiam fidem, Dei esse donum, et ad hanc quoque pertinere quod dictum est, *Quid autem habes quod non accepisti* (*1 Cor. iv, 7*)? Neque recte eum nunc electionem Jacob ad propositum Dei referre, quam prius ad præscientiam retulisset. Ad hanc ergo objectionem respondet, se antequam cogno- sceret gratiae veritatem, et antequam regende præponeretur Ecclesie, in hac opinione ignoranter er- rasse: sed in ipso episcopatus sui exordio, a sanctæ memorie Simpliciano Mediolanensi antistite de Jacob electione et de Esau rejectione consultum, totam questionem ad hos geminos pertinentem sagaciore diligentia ventilasse, et omnibus ratiocinandi viribus hoc indubitanter agnoscisse, quod electionem gratiae nulla merita humana præcedant; et quod fides, unde incipiunt omnia merita, donum sit Dei: ne gratia non sit gratia (*Rom. xi, 6*), si aliquid eam, propter quod tributatur, antevenit. Itaque in eo quod dictum est, *Jacob dilexi, ostensus esse quid homini donaretur*: et in eo quod dictum est, *Esau autem odio habui* (*Id. ix, 13*), ostensus esse quid homini deberetur. Ille autem se in libro Retractionum secundo (*Cup. 1*) suo opere studiose recoluisse; et cum omnes opinio- nes suas censoria gravitate discuteret, istam, quam obrectatores et us eligunt, improbase, quam ante Pelagianæ heresis ortum futuro errori amicau esse.

¹ Codex Remigianus, Theudilo.